

ერთი მხრივ, აჭარის ავტონომიური რესპუბლიკის განათლების, კულტურისა და სპორტის სამინისტრო (შემდგომში „შესყიდველი“), წარმოდგენილი მინისტრის მოადგილის მირიან ჭათამაშის სახით და მეორე მხრივ, შპს „ჩარტერი“ (შემდგომში „მიწოდებელი“) წარმოდგენილი დირექტორის ზაზა დავითაძის სახით, „სახელმწიფო შესყიდვების შესახებ“ საქართველოს კანონის და შპს „ჩარტერი“-ს მიერ წარმოდგენილი სატენდერო წინადადების საფუძველზე, შესყიდველის მიერ ჩატარებული გამარტივებული ელექტრონული ტენდერის (სატენდერო განცხადება N **NAT170005437**) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) - შესყიდველსა და მიწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების ღირებულება“ - ხელშეკრულების ჯამური ღირებულება, რომელიც უნდა გადაიხადოს შესყიდველმა მიწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შესყიდველი“ - ორგანიზაცია, რომელიც ახორციელებს შესყიდვას;
- 1.4. „მიწოდებელი“ - პირი, რომელიც ახორციელებს მომსახურების გაწევას მოცემული ხელშეკრულების ფარგლებში;
- 1.5. „დღე“, „კვირა“, „თვე“ - ვალენდარული დღე, კვირა, თვე;
- 1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი;

2. ხელშეკრულების საგანი

2.1. ხელშეკრულების საგანია პროგრამის - „კულტურის სფეროს წარმომადგენელთა პროფესიული განვითარების ხელშეწყობა“ ფარგლებში საავტომობილო ტრანსპორტის მომსახურებები (CPV-60100000) კერძოდ, შესყიდველის მიერ გამოცხადებული ხელოვანთა მობილობის ხელშეწყობის კონკურსის გამარჯვებულის - სსიპ დაბა ქედის საჯარო სკოლასთან არსებული ქორეოგრაფიული ინსამბლი „ათინათი“-ს 35 (ოცდათხუთმეტი) პირის ზღუგარეთის ქ. პლოცდიცში ფოლკლორის საერთაშორისო ფესტივალში მონაწილეობის მისაღებად საავტომობილო ტრანსპორტით უზრუნველყოფა. (შემდგომში - შესყიდვის ობიექტი და/ან მომსახურება).

2.2. გასაწევი მომსახურების აღწერილობა მოცემულია დანართი N1-ში (შესყიდვის აღწერილობა) და დანართი N2-ში (ფასების ცხრილი), რომლებიც თან ერთვის ხელშეკრულებას და წარმოადგენენ მის განუყოფელ ნაწილს.

3. ხელშეკრულების ღირებულება


- 3.1. ხელშეკრულების საერთო ღირებულება შეადგენს 9 975 (ცხრა ათას ცხრაას სამოცდათხუთმეტი) ლარს, დღგ-ს გათვალისწინებით.
- 3.2. ხელშეკრულების ღირებულება მოიცავს ხელშეკრულებით გათვალისწინებული მომსახურების მიწოდებასთან დაკავშირებულ მიწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიწოდებელი.

4. მიწოდების ვადა და ადგილი, მომსახურების მიღება-ჩაბარების წესი

- 4.1. მომსახურების მიღება-ჩაბარებას ახორციელებენ სათანადოდ უფლებამოსილი პირები.



შესყიდველი



მიწოდებელი

- 4.2 მომსახურების საბოლოო მიღება განხორციელდება, ფაქტიურად გაწეული მომსახურების შესაბამისად გაწეული მომსახურების ღირებულებისა და მოცულობის მითითებით გაფორმებული მიღება-ჩაბარების აქტის საფუძველზე.
- 4.3. შემსყიდველის მხრიდან მომსახურების მიღება-ჩაბარებაზე უფლებამოსილი წარმომადგენელია ხელშეკრულების შესრულების კონტროლის განხორციელებელი პირები.
- 4.4. შემსყიდველი უფლებამოსილია უარი განაცხადოს უხარისხოდ განხორციელებული მომსახურების მიღებაზე.
- 4.5. მომსახურების მიწოდების ადგილია საქართველო, ქ. პლოვდივი/ბულგარეთი;
- 4.6. მომსახურების მიწოდების ვადაა 2017 წლის 29 ივლისიდან 08 აგვისტოს ჩათვლით პერიოდი;
- 4.7. ტრანსპორტირების მომსახურების გაწევისას, მიმწოდებელი პასუხს აგებს მგზავრისათვის და/ან შემსყიდველისათვის მიყენებული ზიანისათვის, ასევე მათი ზარგის დაზიანებისა და დაკარგვისათვის.
- 4.8. ხელშეკრულების 2.1. მუხლში მითითებული კულტურის ღონისძიების (ფოლკლორის საერთაშორისო ფესტივალის) ჩატარების თარიღის ცვლილების შემთხვევაში, აღნიშნულის შესახებ მიმწოდებელს ეცნობება არანაკლებ 2 (ორი) კვირით ადრე.

5. ანგარიშსწორების ფორმა, წესი და ვადები

- 5.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ხელშეკრულებით გათვალისწინებულ საბანკო რეკვიზიტებზე, ეროვნულ ვალუტაში.
- 5.2. ანგარიშსწორება ხორციელდება შუალედური ან/და საბოლოო მიღება-ჩაბარების აქტის გაფორმებიდან 10 (ათი) საბანკო დღის განმავლობაში. მხარეები თანხმდებიან, რომ შემსყიდველს უფლება აქვს უარი თქვას კონკრეტული მომსახურების ნაწილის შესყიდვაზე საკუთარი საჭიროებისამებრ. ასეთ შემთხვევაში შემსყიდველი არ არის ვალდებული გადაიხადოს განუხორციელებელი მომსახურების შესაბამისი ღირებულება. აღნიშნულიდან გამომდინარე, მიმწოდებელი აცხადებს, რომ მას პრეტენზია არ ექნება აუთვისებელ თანხაზე.
- 5.3. სავანსო ანგარიშსწორება არ გამოიყენება.

6. გარანტია

- 6.1. მიმწოდებელი იძლევა გაწეული მომსახურების საერთაშორისო სტანდარტებისადმი შესაბამისობის გარანტიას.
- 6.2. მიმწოდებლის მიერ ხელშეკრულებით განსაზღვრული მომსახურების ხარისხი, სტანდარტები, ტექნიკური პარამეტრები, ძირითადი მახასიათებლები უნდა შეესაბამებოდეს ხელშეკრულებით განსაზღვრულ პირობებს.
- 6.3. 6.2. პუნქტში აღნიშნული პირობებიდან გადახვევის შემთხვევაში, შემსყიდველი უფლებამოსილია არ მიიღოს მომსახურება ან/და მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული ზომები.
- 6.4. მიმწოდებელი ვალდებულია განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯის გაწევის გარეშე.
- 6.5. მიმწოდებლის მიერ 6.4. პუნქტით განსაზღვრული ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს ხარჯების ანაზღაურება, ან ეს თანხა გამოქვითოს ხელშეკრულების მიხედვით მიმწოდებლისათვის გადასახდელი თანხიდან.


7. ხელშეკრულების შესრულების კონტროლი

- 7.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი.

შემსყიდველი



მიმწოდებელი



7.2. ხელშეკრულების შესრულების კონტროლს ახორციელებენ აჭარის ავტონომიური რესპუბლიკის განათლების, კულტურისა და სპორტის მინისტრის მოადგილე თეონა ბერაძე, კულტურის დეპარტამენტის უფროსი თეა ჭანტურიშვილი და მთავარი სპეციალისტი ნათია ბლაგიძე.

7.3. ხელშეკრულების შესრულების კონტროლი ხორციელდება სისტემატიურად, შემსყიდველის შეხედულებისამებრ.

7.4. მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

8. მხარეთა პასუხისმგებლობა ხელშეკრულების პირობების შეუსრულებლობისათვის

8.1. ხელშეკრულებით ნაკისრი ვალდებულებების შესრულების ვადების გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0.02 პროცენტის ოდენობით.

8.2. შემსყიდველის მიერ ხელშეკრულების შეწყვეტის შემთხვევაში, რაც გამოწვეული იქნება წინამდებარე ხელშეკრულების II.1. პუნქტის ა.ბ.დ.ე ქვეპუნქტებიდან, მიმწოდებელს დაეკისრება პირგასამტეხლო ხელშეკრულების ღირებულების 10%-ის ოდენობით.

8.3. პირგასამტეხლოს გადახდა არ ათავისუფლებს მხარეს ხელშეკრულებით განსაზღვრული ძირითადი ვალდებულებების შესრულებისაგან.

9. დაუძლეველი ძალა

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია მეორე მხარეს აცნობოს ვალდებულებების შესრულების შეუძლებლობის შესახებ.

9.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი.

9.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს მომდევნო სამუშაო დღისა წერილობით უნდა აცნობოს მეორე მხარეს აღნიშნული გარემოების დადგომის (დასრულების) შესახებ.

9.4. 9.3. პუნქტით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან.

9.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

10. ხელშეკრულებაში ცვლილებების შეტანა

10.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარეშე.

10.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის. გარდა საქართველოს სამოქალაქო კოდექსის 348-ე მუხლით გათვალისწინებული შემთხვევებისა.

10.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. ხელშეკრულების შეწყვეტა

11.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულების შეუსრულებლობის შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მომსახურება ან მისი ნაწილი;

შემსყიდველი

მიმწოდებელი

- ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;
- გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- დ) თუ მოწოდებული მომსახურების ხარისხი არ შეესაბამება გათვალისწინებულ პირობებს.
- ე) საქართველოს კანონმდებლობით გათვალისწინებულ სხვა შემთხვევებში.
- 11.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.
- 11.3. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. სადავო საკითხების გადაწყვეტა

- 12.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.
- 12.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

13. სხვა პირობები

- 13.1. ხელშეკრულება ძალაში შედის მხარეების მიერ ხელმოწერის დღიდან.
- 13.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 13.3. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.
- 13.4. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულება ქართულ ენაზე.
- 13.5. ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი ეგზემპლარი ინახება შემსყიდველთან და ერთი ეგზემპლარი მიმწოდებელთან.

14. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2017 წლის 31 დეკემბრამდე.

15. მხარეთა რეკვიზიტები

შემსყიდველი:

აჭარის არ განათლების კულტურისა
და სპორტის სამინისტრო
საქართველო, ქალაქი ბათუმი
ლ. გუდიაშვილის ქ. N4
ს/კ 245427667

მინისტრის მოადგილე
მირიან ქათამაძე

მიმწოდებელი:

შპს „ჩარტერი“
საქართველო, ქალაქი ბათუმი
რურუას ქ. N1
ს/კ 445508068
სს „საქართველოს ბანკი“
მფო BAGAGE22
ა/ა GE22 BG00 0000 0215 6060 00

დირექტორი
ზაზა დავითაძე


შემსყიდველი


მიმწოდებელი

აჭარის ავტონომიური რესპუბლიკის
განათლების, კულტურისა და სპორტის სამინისტროსა
და შპს „ჩარტერს“ შორის 2017 წლის 01 ივნისს დადებული N151
სახელმწიფო შესყიდვების შესახებ ხელშეკრულების

დანართი N1

შესყიდვის აღწერილობა

ხელოვანთა მობილობის ხელშეწყობის კონკურსის გამარჯვებულის სახმელეთო (საავტომობილო) ტრანსპორტირების უზრუნველყოფა.

მიმწოდებელმა უნდა განახორციელოს შემდეგი მომსახურება:

1. კულტურის ღონისძიებაში მონაწილე 35 (ოცდათხუთმეტი) პირის ტრანსპორტირება ქ. ბათუმი - ქ. პლოვდივი (ბულგარეთი) - ქ. ბათუმის მიმართულებით არანაკლებ 50 ადგილიანი ავტობუსით 2017 წლის 31 ივლისიდან 5 აგვისტოს ჩათვლით პერიოდში მიმდინარე ფოლკლორის საერთაშორისო ფესტივალში მონაწილეობის მისაღებად.

მგზავრობის განრიგი:

გამგზავრება ქ. ბათუმიდან ქ. პლოვდივის მიმართულებით - 2017 წლის 29 ივლისი;

გამომგზავრება ქ. პლოვდივიდან ქ. ბათუმის მიმართულებით - 2017 წლის 06 აგვისტო;

ავტობუსი უნდა აკმაყოფილებდეს შემდეგ მოთხოვნებს:

- ავტობუსის გამოშვების თარიღი უნდა იყოს 2004 წელი ან ზემოთ.
- ავტობუსი უნდა იყოს არანაკლებ 50 ადგილიანი, ტექნიკურად გამართული, აღჭურვილი გათბობა-კონდიციონერების სისტემით, მაგივრით, სასმელი წყლის გამათბობლით, კომფორტული სალონით და სავარძლებით, მაგნიტოფონით, Wi-Fi სისტემით, საბარგულით.
- ავტობუსის მძღოლ(ებ)ს უნდა გააჩნდეთ საერთაშორისო სტანდარტის მართვის მოწმობა.

შენიშვნა: მიმწოდებელმა ხელშეკრულების გაფორმებიდან 5 (ხუთი) დღის ვადაში უნდა წარმოადგინოს ავტობუსის ტექნიკური დათვალიერების დამადასტურებელი ძალაში მყოფი დოკუმენტი, სატრანსპორტო საშუალების ტექნიკური პასპორტი, მძღოლის პირადობის დამადასტურებელი და მართვის მოწმობები.

შენიშვნა: კულტურის ღონისძიების (ფოლკლორის საერთაშორისო ფესტივალის) ჩატარების თარიღის ცვლილების შემთხვევაში, აღნიშნულის შესახებ მიმწოდებელს ეცნობება არანაკლებ 2 (ორი) კვირით ადრე.

შესყიდველი

მიმწოდებელი

აჭარის ავტონომიური რესპუბლიკის
განათლების, კულტურისა და სპორტის სამინისტროსა
და შპს „ჩარტერს“ შორის 2017 წლის 01 ივნისს დადებული N151
სახელმწიფო შესყიდვების შესახებ ხელშეკრულების
დანართი N2

ფასების ცხრილი

N	მომსახურების დასახელება	რაოდენობა	მომსახურების ღირებულება (ლარში)
1	ტრანსპორტირება: ქ. ბათუმი - ქ. პლოვდივი - ქ. ბათუმი	1 ავტობუსი	9 975
	ჯამი		9 975




შემსყიდველი



მიმწოდებელი